

# **REFERAT SAA- Sanarfinermut Avatangiisinullu Ataatsimiititaq d. 27-11-2017**

**Mødedato** Mandag d. 27. november 2017 kl. 18:00

**Mødested** Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
2018-imi Sanarfinermut Avatangiisinullu Ataatsimiititap politikkikkut ataatsimiiffissaasa ullulerner	8
Iloqarfiup ilaanut pilersaarummi B-431-mit inissisimasumit ineqarfimmi 1A12-mi Adolf Jensensv	11
Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu i	15
Kommunimut pilersaarummut tapiliusseq, 1A1-5, Kujallerpaat, Nuuk.....	16
Kommunimut pilersaarummut tapiliusseq 1A6-3 Qaqortoq & Avannarliit Nuuk.....	20
Nuna tamakkerlugu pilersaarusionermut nassuiaat 2017 ”Suleqatigiinneq pisariaqartinneqartoq”....	24
Taasariaqartut allat.....	28
Suliat matoqqasut.....	29
Imaqarniliap akuerineqarnera.....	30

## Punkt 0: Saqqaa

**Ilaasortat**  
Malene Lyngø (IA) Harald Bianco (IA) Justus Hansen (D)  
Mala Høyskov (S) Laura Tjørnsjø (S) &nbsp;

### Beslutning

Justus Hansen (D) ilaasinnaanani nalunaarutigisimavaa, aammalu Knud Mathiasen (IA) napparsimalluni ilaasinnaanani nalunaarutigisimallugu.

## **Punkt 1: Oqaluuserisassat akuerineqarneri**

### **Beslutning**

05B-mi aaqqitassaq aaqqinnqassaaq.

oqaluuserisassat naqqinneqartut ilanngullugit akuerineqarput.

## **Punkt 2: Nalunaarutit**

<p>2A. Siulittaasumit</p> <p>2B. Ingerlatsivimmit</p>

### **Beslutning**

2A. Siulittaasumit

- Novemberip 16-ani Kommune Ammasoq ingerlanneqarpoq, tassanilu saqqummiunneqarlutik kommunimut pilersaarummut tapiliussat 37-it "Siorarsiorfik"-mut tunngasut. Oqallinneq pissuserissaarfiusutut nalilerneqarpoq.

- Naparsimalluni sulinngiffeqareerluni sulileqqippoq.

2B. Ingerlatsivimmit

- Ukiormanna ataatsimiittaliaq angalassanngilaq

### **Punkt 3: Ilisimatitsissutit**

<p>Soqanngilaq</p>

## **Punkt 4: Aalajangiiffigisassat**

## **Punkt 04A: 2018-imi Sanarfinermut Avatangiisinullu Ataatsimiititap politikkikkut ataatsimiiffissaasa ullulerneru**

### **Beslutning**

Inassuteqaatit aluerineqarput imannak oqaasertalerlugit, 30. juli ataatsimiinnissaq ullormut 6. augustimut nuunneqarpoq.

### **Bilag**

Politisk mødekalender 1. halvår 2018 KAL-DK med udvalg.pdf

Politisk mødekalender 2. halvår 2018 KAL DK.pdf

# 2018-imi Sanarfinermut Avatangiisinullu Ataatsimiititap politikikkut ataatsimiiffissaasa ullulerner

Aalajangiiffisassaq

J.nr.: 01.01.01

Suliffeqarfimmut Kiffartuussivik – kommunaldirektøri Lars Møller-Sørensen / LMS

## **Suliassamik eqikkaaneq:**

Aqutsinermut inatsimmi § 8-mi allaqqavoq "Kommunalbestyrelsi aalajangiisassaqaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

2018-mut politikikkut ataatsimiiffissat ullulerner

januari 2018-miit decemberi 2018-mut atuutissapput.

## **Inassuteqaatit**

Suliffeqarfimmut Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- Sanarfinermut Avatangiisinullu Ataatsimiititap 2018-imi politikikkut ataatsimiiffissaata ullulerner akuerineqassasut.

## **Suliassamik saqqummiussineq**

Aqutsinermut inatsimmi § 8-mi allaqqavoq "Kommunalbestyrelsi aalajangiisassaqaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

## **Aaqqiissutissatut siunnersuut – suliatigut naliliineq**

2018-mut politikikkut ataatsimiiffissat ullulerner

januari 2018-miit decemberi 2018-mut atuutissapput.

Siunnersuutigineqarpoq Sanarfinermut Avatangiisinullu Ataatsimiititap ataasinngornikkut nal. 14.00 ingerlanneqartassasut. Katillugu arfineq pingasoriarluni ukiup ingerlanerani ataatsimiittoqartarumaarpoq, taakkulu ataatsimiinnerit aaqqissorneqarnerat ataatsimiititap ataavartut allat, Aningaasaqarnermut Inuussutissaqarnermullu Ataatsimiititap allat Kommunalbestyrelsip ataatsimiittarnissai aammalu ullut nalliuttorsiorfiit ataatsimut isigalugit aaqqissuunneqarlutik.

Politikikkut Allatseqarfiup Sanarfinermut Avatangiisinullu Ataatsimiititap ataatsimiinneri suliaqarnikkut piffissarititaasut killiliussat ataqqillugit ataatsimiinnerit aaqqissuuppaat aammalu suliat ingerlateqqitassat ingerlateqqipallanneqartarnissaat anguniarlugu aaqqissuuppaat.

## **Aningaasatigut sulisoqarnikkullu naliliinerit**

Politikikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

## **Inatsisitigut tunngavissaq allakkallu tunngaviusumik uppersaatitallit**

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

*Ingerlariaqqinnissaq*

2018-imi politikikkut ataatsimiiffissat Naalakkersuisunut nassiunneqassapput.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqaateqartinneqanngilaq.

**Innuttaasunik peqataatitsineq/attaveqaqatigiinneq**

Politikkikkut ataatsimiiffissat ullui kommunip nittartagaanut tamanut saqqummiunneqassapput, ataatsimiinnerni oqaluuserisassat imaqarniliallu tamanut saqqummiunneqassallutik. Politikikkut ataatsimiiffissat ullui aamma kommunip allaffeqarfiata immikkoortortaanni pissarsiarineqarsinnaassapput.

**Ingerlatsivinniit allaniit oqaaseqaatigineqartut**

Soqanngilaq.

**Ilanngussat**

1. 2018-imi politikikkut ataatsimiiffissatut siunnersuutit

## **Punkt 04B: Iloqarfiup ilaanut pilersaarummi B-431-mit inissimasumit ineqarfimmi 1A12-mi Adolf Jensensvej-p eqqaaniittumit allilineq**

### **Beslutning**

Inassuteqaatit akuerineqarput.

### **Bilag**

Bilag 1 Kortbilag - dk kal.pdf

Bilag 2 Plantegninger af det ansøgte areal til udvidelse.pdf

Bilag 3 Nabohøringssvar\_ KALdocx.pdf

Bilag 3 Nabohøringssvar vedr B-431 udvidelse foto 1.JPG

Bilag 3 Nabohøringssvar vedr B-431 udvidelse foto 2.JPG

Bilag 3 Nabohøringssvar vedr B-431 udvidelse foto 3.JPG

Bilag 3 Nabohøringssvar vedr B-431 udvidelse foto 4.JPG

Bilag 3 Nabohøringssvar vedr B-431 udvidelse foto 5.JPG

Bilag 3 Nabohøringssvar vedr B-431 udvidelse foto 6.JPG

Bilag 3 Nabohøringssvar vedr B-431 udvidelse foto 7.JPG

Bilag 4 Nuuk Offset ApS's udtalelse vedr trafikforhold\_18294\_KALdocx.pdf

Bilag 5 Tilladelse til trykkeri for B-431B, den 10 december 1984.pdf

# **Illoqarfiup ilaanut pilersaarummi B-431-mit inissisimasumit ineqarfimmi 1A12-mi Adolf Jensensvej-p eqqaaniittumit alliliineq**

Nuuk Offset ApS, Naqiterivimmik alliliineq  
Aalajangiiffigisassaq

J.nr.: (suliap normua):18.01.02-G01-867-17

Sanarfinermut Avatangiisinullu Ingerlatsivik – pisortaagallarteq - Hans Henrik Winther Johannsen / HHWJ

## **Suliassamik eqikkaaneq**

Sanatitsisoq, Nuuk Offset ApS illoqarfiup ilaanut pilersaarummi B-431-mit inissisimasumit ineqarfimmi 1A12-mi Adolf Jensensvej-p eqqaaniittumik alliliinissaq siunertaralugu nunaminertamik qinnuteqarpoq.

Nuuk Offset ApS naqiteriviuvoq Nunatsinnilu naqiteriviit ikittuinnaat ilagaat. Sanatitsisup naqiterivimmi inissakilliorneq patsisigalugu illup ilaneqarnissaa kissaatigaa.

## **Inassuteqaat**

Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommuniq pilersaarutaanit 1A12 Adolf Jensensvej-p eqqaaniittumik immikkut akuersissummik pissasoq, Kommuniq pilersaarutaani 2028 Kommuneqarfik Sermersooq, Eriagisassatut eqqarsaatigineqartussat – maanna napasooq ataatsimik qalialik Blok B-431 isaterneqarsinnaasooq sananeqaqqissinnaasorlu marlunnik qulerivinngorlugu allilerneqarnissaa/ilaneqarnissaa ataatsimik qalialimmik illup saqqaani kangiata tungaaniittoq saniatigullu kælderip atorluarnissaanut periarfissallup akuersissutigineqarnissaa.
- Kommuniq pilersaarutaanit tapiliussatut 1A12-2 Innavinnguaq immikkut akuersissummik pissasoq, § 5 Illuliorfiup annertussusia inissisimaneralu imm.5.1 Nutaanik sanaartorneq taamaallaat llanngussaq 1-mi illuliorfissanik takuneqarsinnaasunik pisinnaasooq illuliorfissallu avataatigut alliliinissaq akuerineqarluni.
- Nuuk Offset ApS-p tassunga atatillugu eqqaamiunik tusarniaanerup akissutaat malillugit allilerneqarnissaanut atatillugu illup qaliata qimerluata pioreersup portoqataanik allilerneqarnissaa piunasaqaateqassasoq.
- Illup ilaneqarnissaanut atatillugu angallannerup annertusinnginnissaa aamma B-3088-p biilinut inissiisarfiaata ataqqineqarnissaanut piunasaqaateqassasoq.

## **Suliassamik saqqummiussineq**

Nuuk Offset ApS nunaminertamik illup initaata allilip kiileria atorluarlugu illup saqqaata kangiata tungaani allilerneqarnissaanut qinnuteqarpoq, Illoqarfiup ilaanut pilersaarummi 1A12-mi Adolf Jensensvej-p eqqaani inissisimasooq. Nunaminertaq qinnuteqaatigineqartoq illup ilassutissaanut atussaaq ilamerngalu illuliorfiup avataaniilluni isaterneqarani sanaqqinneqassallunilu marlunnik qulerivinngorlugu Kommunimi pilersaarussiaq 1A12 najoqqutassiaq nalinginnaasooq malillugu. Suliaq eqqaamiunut tusarniaassutigineqarneranit illu B-3088 Adolf Jensensvej-imiittup tusarniaanermut akissutinik arfineq-pingasunik makkuninnga immikkoortortalinnik nassiussivoq:

- Illup qaliata qimerlua pioreersup ilassutaa qaffasinneruniaruni Kitsissunut isikkivia asserneqassamat.
- Illup ilassutissaa isaternissaanut naapertuutinninnera marlunnillu qulerivinngorlugu sanaqqinnissaanut Kommunip pilersaarusioneranut 1A12-mut naapertuutinninnera.
- Nunaminertaq pineqartoq suliffeqarfinnut pinnani taamaallaat illunut sanaartorfissatut nalunaarsuusersorneqarnera.
- Maanna naqiteriviup tungaanut angallannerup malitsigimmagu ilaatigut B-3088-mi ineqartut

biiliminnut inissiisarfitsik amigaatigisarnerat.

- Illup ilassutaata eqqaaniittoq illoq B-3088 5 meterimik akunneqassaguni ikualattoornermi illunut B-3088-mut B-3074-mullu siaruarsinnaanerani kinguneqarsinnaanera.

#### *Aaqqiissutissatut siunnersuut – suliatigut naliliineq*

1984-mi decembarip ulluisa qulingat Teknikkeqarfiup Ataatsimiititaata illu B-431B naqiterivittut atorneqarnissaa akuersissutigaa.

Kitsissut tungaannut eqqaamiuusut isikkivia allanngussanngikkaluarpoq illup ilaneqarnera illup qaliata qimerlua pioreersup portussusaata portoqataanik sananeqaraluaruni, Kommuni pilersaarutaanit 1A12-li naapertorlugu isaterneqarlunilu marlunnik qulerivinngorlugu sanaqqinneqarnissaanut naleqqiullugu.

Illu isaterneqassagaluarpat marlunnillu qulerivinngorlugu sanaqqinneqassagaluarpat illuliorfissaq illunut uiguleriiaanun/inissianun atorneqarluni, Kommuni pilersaarusiornermut ilassut 1A12 Innavinnguaq tunngavigalugu § 4, imm. 4.3 minnerpaamik biilnut inissiisarfii inissiamut ataatsimut atugassat pilersittariaqalissapput, B-3088-mi ineqartut nunaminertami biilnut inissiisarfii pioreersut atorneratigut suli angallannerup ingasannerusinnaanera ilimagisinnaavaat.

Qatserisartoqarnermut oqartussaasunit nalilerneqarpoq naqiterivik suliffeqarfiusoq ikuallajasuunngitsoq sanaartornermullu atatillugu illup ilaneqarnera qallerneqarsinnaasoq ikualattoornissamut sillimaniarneq annertusillugu.

Naqiterivimmit naqiterivimmullu angallannerup allanngornissaa ilimagineqanngilaq aamma illup ilassutaata eqqaanut niooragassat nioorarnissaat ajornannginnerulissaaq, una pineqarpoq, nioqqutissanik pajuttuinnermi piffissaq sivikinneq atorneqartalernissaa.

#### *Aningaasaqarnikkut sulisoqarnikkullu naliliinerit* Soqanngilaq

#### *Inatsisitigut tunngavissaq allakkallu tunngaviusumik uppersaatitallit*

Attuumassuteqartumut innersuussineq:

- Inatsisartut inatsisaat nr 17, 17 november 2010-meersoq (Pilersaarusiortarnermut inatsit) kiisalu

- sersmersooq2028.gl, Kommuneqarfik Sersmersuumi Kommunimut pilersaarut 2028

- Kommunimut Pilersaarummut tapiliussaq 1A12-2 Innavinnguaq

#### *Ingerlariaqqinnissaq*

Suliaq Sanarfinermut Avatangiisinullu Ataatsimiititami oqaluuserineqassaaq. Tamatuma kingornagut aalajangerneq Nunaminertanut Sanaartornermullu Oqartussaasunit qinnuteqaateqartumut tusarniaaffigineqartunullu nalunaarutigineqassaaq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqartinneqarnikuunngilaq.

#### **Innuttaasunik peqataatitsineq/Attaveqaqatigiinneq**

Suliaq eqqaamiunut septembarip ulluisa 13-t 2017 oktobarip ulluisa sisamaata 2017 tungaanut tusarniaassutigineqarpoq.. Nunaminertanut Oqartussaasup tusarniaanermi akissutit B-3088, Adolf Jensensvej 8-mit tiguai.

#### **Ingerlatsivinnit allanit oqaaseqaatit**

Soqanngilaq

#### **Ilanngussat**

1. Nunap assinganik ilanngussaq - B-431-mut illuliorfik
2. Nunaminertap allilernerneqarnissaanut qinnuteqaataasup pilersaarusiorneqarnerata titartagartaa
3. Tusarniaanermi akissutai isikkiviup assitaanit imallit

4. Nuuk Offset ApS-p oqaaseqaataat angallannermut tunngasoq
5. Decembarip ulluisa qulingat 1984 B-431B-mut naqiterivimmut akuersissut tunniunneqarpoq

**Punkt 5: Suliat Aningaasaqarnermut Inuussutissaqarnermullu  
Ataatsimiititamut Kommunalbestyrelsimullu ingerlateqqitassat**

## **Punkt 05A: Kommunitut pilersaarummut tapiliusseq, 1A1-5, Kujallerpaat, Nuuk**

### **Beslutning**

Inassuteqaatit akuerineqarput.

### **Bilag**

Bilag-1\_kal.pdf

Bilag 2 20171107 Nukissiorfiit\_kal.pdf

KPT 1A1-5\_Kujallerpaat kal.pdf

## **Kommunimut pilersaarummut tapiliusseq, 1A1-5, Kujallerpaat, Nuuk**

Aalajangiiffissaq

J.nr.: 16.03.01.01-P16-8-17

Sanarfinermut Avatangiisinullu Ingerlatsivik – Pisortaagallartoq, Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A1-5 Kujallerpaat, Nuuk, akuersissutigisassanngorlugu matumuuna saqqummiunneqarpoq.

Kommunimut pilersaarummut tapiliussatut siunnersuut Namminersorlutik Oqartussat illunik isatererusunnerat tunngavigalugu suliarineqarpoq, pineqarlutik: B-453, B-454, B-461, B-462, B-1380, B-1381, B-1418 & B-1419), tamatuma kingorna inissiat nutaat ullutsinnut naleqquttut qulit atuartunut ilinniartunullu 330 miss. inissaqartitsisut sanatillugit.

Kommunimut pilersaarummut tapiliussatut siunnersuummi aamma siunertaavoq siusinnerusukkut kommunimut pilersaarummut tapiliussaliami aalajangersakkat atuuttuujuartut tamaasa ataatsimut katersornissaat, taamaalilluni kommunimut pilersaarummut tapiliussami ataatsimut allassimasuutigisissai atuarneqariaannanngorlugit.

Siunnersuut sap.ak. arfineq pingasuni piffissami 13. septembarimii 8. novembarimut tamanut tusarniutigineqarpoq, tusarniummullu akissut ataaseq tiguneqarpoq. Taannalu aaqqissuisoqarfimmi iluarsissuteqarnissamut kisimi pissutissiivoq.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Sanarfinermut Avatangiisinullu Ataatsimiititap Kommunimut pilersaarummut tapiliusseq 1A1-5 Kujallerpaat, Nuuk, akuersissutigineqassasoq.
- Kommunimut pilersaarummut tapiliusseq akuersissutigineqartoq Sanarfinermut Avatangiisinullu Ataatsimiititamit Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlatinneqassasoq.
- Aningaasaqarnermut Inuussutissarsiornermullu Ataatsimiititap tamatuma kingorna kommunimut pilersaarummut tapiliusseq akuersissutigisasaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq.

### **Suliassamik saqqummiussineq**

Kommunimut pilersaarummut tapiliussatut siunnersuut Namminersorlutik Oqartussat illunik isatererusunnerat tunngavigalugu suliarineqarpoq, pineqarlutik B-461, B-462, B-1380, B-1381, B-1418, B-1419, B-453 aamma B-454 tamatuma kingorna ilinniartunut inissiat nutaat ullutsinnut naleqquttut qulit pingasunik sisamanilluunniit quleriilit taakkunungalu atasut attaveqaatinut tunngasut sanatillugit.

Nutaanik illuliortiternermi illuliortaaseq eqqumaffigineqassaaq ilaatigut kommunip illuliortaatsimut politikiani anguniakkanut naapertuutsinneqassalluni. Anginngitsunik immikkoortukkuutaanik arlalinnik illoqarfimmut sanaartoriaatsinullu naleqqussakkanik sanaartortoqassasoq siunnersuutigineqarpoq. Illut tamarmik immikkut sisamanik inssiartaqarput pingasunillu quleriullutik. Immikkoorutaassalluni illut sumiiffimmi immikkuualuttup sanimut silissusaata takivallaannginneranut naleqqussagaanerat, Kujallerpaani ilinniartunut inssiart pioreersunut naleqqussagaaneri kiisalu ilinniartunut inissianut sanaartorneqartunut kingullernut sisamanut assingusuussallutik.

Kommunimut pilersaarummut tapiliussami aamma sissaq atuarlugu aqqusineeraliornissamik pilersaarut sumiiffimmi aqqusineeqqamut attavilerlugu periarfissaatinneqarpoq.

Peqatigitillugu aamma kommunimut pilersaarummut tapiliussami siunertaavoq, siusinnerusukkat kommunimut pilersaarummut tapiliussaliami aalajangersakkat atuuttuujartut tamaasa ataatsimut katersornissaat, taamaalilluni taakku kommunimut pilersaarummut tapiliussami ataatsimut allassimasuutigineqalersut atuarneqariaannanngorlugit.

#### *Aaqqiissutissatut siunnersuut – suliatigut naliliineq*

Sumiiffimmi tassaanerupput ilinniartunut inssiart aamma Sanarfinermut Avatangiisinullu Ingerlatsiviup nalilerpaa, ilinniartunut atuartunullu inissianik assingusunik sanaartorneq ilinniartunut atugassarititaasunik pitsanngoriartitsilluarsinnaasoq.

Siunnersuummittaaq pingaartinneqarpoq, illut akorngi pitsaasunik aneerfissaqarsinnaanerat, tamannami sammisassanut, meeqqanut pinnguartarfiit, siaasaavissat, fitness il.il. periarfissaqarluartitsissaaq.

Siunnersuut Kommunimut pilersaarummi akulikinnerusumik sanaartorfiutitsinissamik pilersaaruteqarnermut naapertuuppoq. Tamanna aamma Illuliortaatsimut politikkimut naapertuuppoq.

#### *Aningaasaqarnikkut sulisoqarnikkullu naliliinerit*

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

#### *Inatsisitigut tunngavissaq allakkallu tunngaviusumik uppermarsaatitallit*

Pilersaarusionerq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq

Inatsisartut inatsisaat nr. 34, 9. decembari 2015-imeersoq

Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Kommunimut pilersaarummut tapiliussaq Sanarfinermut Avatangiisinullu Ataatsimiititami akuersissutigineqareerpat Aningaasaqarnermut Inuussutissarsiornermullu Ataatsimiititami kingornalu Kommunalbestyrelsimut akuersissutigisassanngorlugi ingerlateqqinneqassasoq.

Inaarutaasumik pilersaarut kommunimut pilersaarummut attuumassuteqartoq [www.sermersooq.gl](http://www.sermersooq.gl) - imi tamanut takuneqarsinnaanngorlugi saqqummiunneqassaaq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit allanik oqaaseqaatissaqartoqanngilaq suliassamillu saqqummiussaq inassutigalugu.

### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliussatut siunnersuut sap.ak. arfineq pingasuni piffissami 13. septembarimiit 8. novembarimut tamanut tusarniutigineqarpoq.. Tusarniaassummut akissuteqaat ataaseq pissarsiarineqarpoq.

### **Ingerlatsivinnit allanit oqaaseqaatit**

-

### **Ilanngussat**

1. Tusarniaanermut akissutit ingerlatsivimmit suliarineqarnerat.
2. Tusarniaanermi akissutit
3. Kommunimut pilersaarummut tapiliussaq 1A1-5, Kujallerpaat, Nuuk

## **Punkt 05B: Kommunitut pilersaarummut tapiliusseq 1A6-3 Qaqortoq & Avannarliit Nuuk**

### **Beslutning**

Suliamik saqqummiussami naqqitassaavoq "Ingerlariaqqinnissaq"-p ataani tusarniaanissamut lut allanngortinneqassammata 21. decemerimiit 14. januar tusarniaasoqartussanngorlugu.

Inassuteqaatit akuerineqarput.

### **Bilag**

Forslag KPT 1A6-3 KAL.pdf

# **Kommunimut pilersaarummut tapiliusseq 1A6-3 Qaqortoq & Avannarliit Nuuk**

Aalajangiiffissaq

J.nr.: 16.03.01.01-P16-24-17

Sanarfinermut Avatangiisinullu Ingerlatsivik – pisortaagallartoq Hans Henrik Winther Johannsen / HHWJ

## **Suliassamik eqikkaaneq**

Kommunimut pilersaarummut tapiliusstat siunnersuut suliarineqarpoq Nuummi oqaluttuarisaanermut tunngassuteqartut naleqquttumik ineriartortinnissaat qulakkeerumallugu. Sumiiffik najugaqarfiuvoq, ilaqutariit ataatsit illui amerlanerullutik ilaatigut eriagisariaqartortallit. Pingaartumik Qaqortoq illoqarfimmi innuttaasunut tikeraanullu pingaarteqarluinnartuuvoq, illuliortaatsit illullu inissisimaffii tunngavigalugit. Taamaattumik ingerlatsiviup nalilerpaa, illoqarfiup tamassuma ilaata ineriartortinneqarneranut ilutigitiillugu illuliortaatsimi naleqartitat allanngutsaaliorneqarlutillu illersorneqassasut. Taamaasillutik naleqartitat ullutsinni siunissamilu qulakkeerneqassapput.

## **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Sanarfinermut Avatangiisinullu Ataatsimiititap illoqarfiup ilaanut pilersaarummut siunnersuut 1A6-3 Qaqortoq & Avannarliit Nuuk akuersissutigissagaa
- Sanarfinermut Avatangiisinullu Ataatsimiititap siunnersuut akuersissutigineqartoq sapaatip-akunnerini arfinilinni tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqissagaa.
- Tamatuma kingorna suliaq Aningaasaqarnermut Inuussutissarsiornermullu Ataatsimiititamit Kommunalbestyrelsimut ilisimatitsissutitut ingerlateqqinneqassasoq

## **Suliassamik saqqummiussineq**

Kommunimut pilersaarummut tapiliusstat siunnersuutip tapiliusseq 1A6-2 taarsissavaa, siunissamilu sumiiffiup ineriartortinneqarnissaanut nutaanik malittarisassiornissap qulakkeerneqarnissaanut suliaalluni. Tassami ingerlatsivimmi malugineqarmat, tapiliussami aalajangersakkat arlaqartut, sumiiffiup siunissami ineriartortinneqarnissaanut naleqqutinngitsut, taakkulu najoqqutaralugitaqukkuminaassasut.

Sumiiffiup ilaani GTO-qarallarmalli illut mikisunnguit sananeqartartut ilisarnaqutaapput, tamarmik immikkut eriagisariaqartutut nalilersorneqarsimannngitsut, ataatsimulli isigalugu sumiiffik eriagisariaqarpoq, taamatullu ilisarnaquteqarnera piginnarneqartussatut nalilerneqarpoq. Taamaattumik sumiiffimmi illuliarineqartartussat ilusissaannut aserfallatsaalineqartarnissaannullu sukannersumik piumasaqaateqartoqarpoq. Aamma killilerujussuarmik allissutissaqartitsiffiuvoq, tassami sumiiffik eqimasorujussuarni illuliorfigineqareersutut malunnarmat, sanaartorfissanillu nutaanik immikkoortitsisoqarani.

Kommunimut pilersaarummut tapiliusseq imaattunik siunertaqarpoq:

- Sumiiffimmi oqaluttuarisaanermut naleqartitat kingulissatsinnut takusassanngorlugit allanngutsaalineqarnissaat qulakkeerneqassasoq. Kommunimut pilersaarummut tapiliussami qulakkeerneqassaaq, sumiiffiup immikkuullarissumik isikkua pigiinnarneqassasoq, aammalu illut sumiiffiillu eriagisariaqartut Nuummi illut illuliortaatsillu oqaluttuarisaaneranut pingaarutilittut qulakkeerneqassasut.
- Sumiiffik Nuummi najugaqarfigiuminartuaannarlunilu inuuffigiuminartuaannassasoq, ullumikkut siunissamilu qanittumi.
- Illut pioreersut tamaaniittut erseqqissumik malittarisassaliorfigineqarlutillu aalajangersaaffigineqarnissaat, tamatumunnga ilanngullugu allaffissaqarnissaannut periarfissat
- Isaterinermut atatillugu nutaamik illuliornissamut malittarisassaliornissaq

#### *Aaqqiissutissatut siunnersuut – suliatigut naliliineq*

Pilerigineqartutut illoqarfimmullu qanittumik najugaqarfissaqqissuunera pissutigalugu Sanarfinermut Avatangiisinullu Ingerlatsiviup nalilerpaa, piumasaqaatinik sukannernerulersitsinikkut sumiiffik, amerlaqisunut pingaarutilik, pitsaasumik pitsaassutsumik qulakkeerineqataaffigineqassasoq. Kissaatigineqarpoq illut mikisunnguit nuugissunik qaliallit pigiinnarneqassasut qulakkeerneqarlutillu, taamaattumillu ataasiakkaat qanoq allissutissaliisinaaneri nutaanik killiliunneqarput. Ingerlatsiviup nalilerpaa sumiiffiup oqaluttuassartaata qulakkeerneqarnissaa pillugu tamanna pisariaqarsimasoq, aammalu sumiiffik najugaqarfissaqqissoq qaammaqqusersorluagaq silaannaqartorlu, sapinngisamik tamat isikkiveqarnissaannik isumannaariffiususaaq.

#### *Aningaasaqarnikkut sulisoqarnikkullu naliliinerit*

Kommunimut pilersaarummut tapiliussamik siunnersuusiorneq aningaasatigut kinguneqartitsissanngilaq.

#### *Inatsisitigut tunngavissaq allakkallu tunngaviusumik uppersaatitallit*

Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma Inatsisartut inatsisaat nr. 34, 9. decembari 2015-imeersoq

#### *Ingerlariaqqinnissaq*

Pilersaarutitut siunnersuut tamanut tusarniutigineqassaaq, piffissami 27. september – 8. novembari 2017-ip tungaanut.

Tusarniaassummut akissuteqarnissamut killiliusaaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu aamma Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi inaarutaasumik akuerineqartussanngorlugi taakkununnga nassiunneqassaaq.

Inaarutaasumik pilersaarut tamanit pissarsiarineqarsinnaassaaq, ilaatigut kommunip nittartagaatigut [www.sermersooq.gl](http://www.sermersooq.gl)

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfiup suliaq qulaani pineqartoq akuereqqullugu innersuussutigaa.

**Innuttaasunik peqataatitsineq/attaveqaqatigiinneq**

Kommunimut pilersaarummut tapiliusaaq sapaatip-akunnerini arfinilinni tamanut tusarniaassutigineqassaaq, tamannalu Nuuk Ugeaviisimi nalunaarutigineqarlunilu kommunip tusarniaanermut qppersagaatigut allagarsiissutigineqassaaq.

**Oqaaseqaatigineqartut allat**

-

**Ilanngussat**

1. Kommunimut pilersaarummut tapiliussatut siunnersuut 1A6-3

# **Punkt 05C: Nuna tamakkerlugu pilersaarusiornermut nassuiaat 2017 ”Suleqatigiinneq pisariaqartinneqartoq”**

## **Beslutning**

Inassuteqaatit akuerineqarput imannak oqaasertalerlugit:

- ataatsimiititalioap kissaatigimmagu nalliuttut slinngiffeqarfusartulu tusarniaanissamut pilersaarusiornerni eqqarsaatigineqartarnissaat kissaatigineqarmat.

## **Bilag**

Bilag 1\_KAL.pdf

Bilag 2\_KAL.pdf

Bilag 3 LPR2017 KN.pdf

## **Nuna tamakkerlugu pilersaarusionermut nassuiaat 2017 "Suleqatigiinneq pisariaqartinneqartoq"**

Sanarfinermut Avatangiisinullu Ingerlatsivimmit tusarniaanermut oqaaseqaatit

Ilisimatitsissut

J.nr.: 16.01-P17-8-17

Sanarfinermut Avatangiisinullu Ingerlatsivik - pisortaagallartoq Hans Henrik Winther Johannsen / HHWJ

### **Suliassamik eqikkaaneq**

Aningaasaqarnermut Akileraartarnermullu Naalakkersuisoqarfiup nuna tamakkerlugu pilersaarusionermut nassuiaat 2017, "Suleqatigiinnissaq pisariaqartinneqartoq" piffissami oktobarip pingajuniit-31-iata 2017ip tungaanut tamanut tusarniaassutigaa.

Sanarfinermut Avatangiisinullu Ingerlatsivik tusarniaanermi akissummi nassuiaammit ajunngitsumik isornartorsiulluni saqqummiussaqrpoq. Ataatsimut isigalugu Ingerlatsivik qitiutinneqartunut tunngatillugu isornartoqartitsivoq, nunamilu suliassat annertuut pillugit tusaaneqarnerunngitsut isumaqarluni.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Ingerlatsiviup tusarniaanermi akissuteqaataa nassiuksaq akuerineqassasoq.
- Suliaq Aningaasaqarnermut Ataatsimiititamut Kommunalbestyrelsimullu ilisimatitsissutitut ingerlateqqinneqassasoq

### **Suliassamik saqqummiussineq**

Aningaasaqarnermut Akileraartarnermullu Naalakkersuisoqarfiup nuna tamakkerlugu pilersaarusionermut nassuiaat 2017, "Suleqatigiinnissaq pisariaqartinneqartoq" piffissami oktobarip pingajuniit-31-iata 2017ip tungaanut tamanut tusarniaassutigaa.. Ingerlatsiviup tusarniaanermut akissuteqaataa ilanngussaq 1-itut ilanngunneqrpoq.

Pilersaarusionerq pillugu inatsit naapertorlugu ikinnerpaamik ukiut sisamakkaarlugit nuna tamakkerlugu pilersaarusionerq pillugu nassuiaammik Naalakkersuisut Inatsisartunut saqqummiussaqrartassapput. Nuna tamakkerlugu pilersaarusionerqarneranut nassuiaat nuna tamakkerlugu pilersaarummut tunngaviliisussaavoq, imatut paasillugu Kalaallit nunaat tamakkerlugu pilersaarutip timitalernissaanut, ilaatigut iliuutsitigut, suliniutit pingaarnertigut, suliniuteqarfissatigut il.il.

Nuna tamakkerlugu pilersaarusionermut nassuiaammi pingaarnertut siunertarineqrpoq nuna tamakkerlugu sanaartornikkut ineriartortitsinissami pingaarnertigut suliniutit suliniuteqarfissallu allaaserineqarnissaat, ilaatigullu Namminersorlutik Oqartussat sanaartugassanut aningaasaliissutinik agguassinissaannut tunngaviliisuussallutik. Nuna tamakkerlugu pilersaarusionermut nassuiaat taamaasilluni nunatsinni kommunit tallimaasut pingaarutilittut sakkussarissavaat.

Siorna Nuna tamakkerlugu pilersaarusionermut nassuiaat 2016 "Pisariaqartumik pingaarnersiuiineq" tusarniaassutigineqareermat tunuartinneqrpoq, politikkikut

aaqqiagiinngissutaalernera pissutigalugu. Taamanikkut aamma Ingerlatsiviup pilersaarusiornermut nassuiaammi assigiinngitsunut tunngatillugu isumaqataanngilaq.

Nuna tamakkerlugu pilersaarusiornermut nassuiaat 2017 "Suleqatigiinneq pisariaqartinneqartoq" Sanarfinermut Avatangiisinullu Ingerlatsiviup Nuna tamakkerlugu pilersaarusiornermut nassuiaammik pingaarnertut naliliinera tassaavoq, amigartoq, nunattalu unammilligassaanut tunngassuteqarluinnartunik sammisaqarnani.

Inoqarfiit assigiissusaat assigiinngissusaallu suli suliarineqarpoq, tamatumalu siunertaa uagut paasinngilarput. "Naligiimmik siunissaqarneq" pillugu nalunaarussiaq, kommunini pingasuni allani borgmesterinit pingasunit, Hermann Berthelsenimit, Ole Dorphimit aamma Jørgen Wæver Johansenimit suliarineqarsimasoq, nunamut iliuusissaavoq paasiuminaatsoq. Suliffiit noorarneri ilutigalugit, ingerlatsiviup eqqumiiginartippaa, nassuiaammi Kommuneqarfiup Illoqarfiit pingaarnersaat pillugu periusissiaa eqqaaneqanngimmat, nunalu nukittuumik illoqarfiit pingaarnersaqartariaqartoq pingaartinnerarlugu.

Pisortat sanaartugassanut aningaasaliissutaannik agguataarinissaq aamma oqaasertaliunneqarpoq, tassanilu eqqorpasinngilaq, sumiiffiit nalunaaqutsersorneri/kommunit najoqqutaralugit aningaasanik agguaasserusuttoqannginnera. Tamannalu Namminersorlutik Oqartussat marloqiusamik aningaasalersueriaatsimik toqqammaveqarnerat ilanngullugu, suli kommunit pilersaarusiornissaannut ajornarnerulersitsissaaq.

Nuna tamakkerlugu pilersaarusiornermut nassuiaat amigarpoq, ingerlatsiviullu sammisat aalajangersimasunik makkuninnga paasissutissinneqarnissani amigaatigaa, ingerlatsiviup isumaa naapertorlugu nunatsinnik ilusilersuisunngoreersunik:

- Takornariaqarneq: Namminersorlutik Oqartussat periusissiaat, Tikeraanut saaffiginnittarfiit, Unescomut qinnuteqaatit
- Attaveqaatit: Containereqarfik nutaaq, mittarfiit (ataatsimoortut tamaasa), ATVnut aqut Kangerlussuup tungaanukartoq – Sisimiut, imermik nukissiorfinnik annertusaaneq aammalu immap naqqatigut kabili
- Illoqarfimmik ineriartortitsineq: Siorarsiorfik pillugu pilersaarut
- Inunnik isumaginninnermut tunngasut
- Ilinniartitaaneq
- Inuussutissarsiorneq: Aalisarneq Aatsitassalerinerlu
- Aningaasaqarneq: Ataatsimoortumik tapiissutit aammalu "aningaasat avataaneersut"
- Avannaani kommunip avinneqarnissaa

Aningaasaqarnermut Akileraartarnermullu Naalakkersuisoqarfiup nuna tamakkerlugu pilersaarusiornermut nassuiaat 2017, "Suleqatigiinnissaq pisariaqartinneqartoq" piffissami sivikitsumi tusarniaassutigaa, septembarip arfineq-aappaanniit 15-t tungaanut. Sivikitsumik tusarniaanermut ingerlatsiviup akissuteqaataa, ilanngussaq 2-tut ilanngunneqarpoq.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsiviup Nuna tamakkerlugu pilersaarusiorneqarneranut nassuiaat nunap siunissamut ineriartortinneqarnissaanut sakkussatut pingaaruteqartutut isigaa, aamma Namminersorlutik Oqartussat nassuiaanermut sammisani suliami ilaatinneqarnissaat

qilanaaralugu. Tamatumunnga atatillugu ingerlatsiviup neriutigaa, pilersaarusiornermut nassuiaat iluarsartuunneqarumaartoq, nunatsinni unammilligassanut naleqqussarlugu.

#### *Aningaasaqarnikkut sulisoqarnikkullu naliliinerit*

Pilersaarusiornermut nassuiaat massakut kommunip aningaasaqarneranut kinguneqanngilaq.

#### *Inatsisitigut tunngavissaq allakkallu tunngaviusumik uppersaatitallit*

Pilersaarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq

#### *Ingerlariaqqinnissaq*

Kommunimi qinikkanit oqaaseqaateqartoqassappat Aningaasaqarnermut Akileraartarnermullu Naalackersuisoqarfimmut nassiuunneqarumaarput. Nuna tamakkerlugu pilersaarusiornermut nassuiaat tusarniaasoqareerpat pisariaqassappat iluarsineqassaaq Naalackersuisuniillu inaarutaasumik akuersissutigineqarluni.

#### **Aningaasaqarnermut Allatseqarfimmit oqaaseqaatit**

Aningaasaqarnermut tunngasut ingerlatsivimmi eqqarsaatigineqartunik avissaartitsippat, isumaqatigiissutaavorli pilersaarusiorneq amigaateqartoq, nunatsinni unammilligassanut tunngasunik siunnersuuteqarfiunngitsoq, Nuummiinnaanngitsoq sinerissamili. Sermersuumi illoqarfiit pingaarnersaannut periusissaq pilersaarusiornermut ilaatinneqartariaqaralarpoq, taannaagami allatuulli pingaaruteqartoq Kalaallit Nunaat ullumikkutut ilisimasarput nukittorsarneqarlunilu ineriartortinneqassappat pingaaruteqartoq.

#### **Innuttaasunik peqataatitsineq/attaveqaqatigiinneq**

Ingerlatsiviup tusarniaanermut akissuteqaataa kommunip nittartagaani pissarsiarineqarsinnaavoq, taassumalu saniatigut ingerlatsivik allamik iliuuseqarnianngilaq.

#### **Ingerlatsivinnit allanit oqaaseqaatit**

Ingerlatsivinnit allanit oqaaseqaatinik pissarsiniartoqarsimanngilaq.

#### **Ilanngussat**

1. Ingerlatsiviup tusarniaanermut akissuteqaataa
2. Ingerlatsiviup tusarniaanermut akissuteqaataa
3. Nuna tamakkerlugu pilersaarusiamut nassuiaat 2017

## **Punkt 6: Taasariaqartut allat**

### **Beslutning**

Laura Táunâjik (S): Ataatsimiititap angalanissai pillugit apeqquaqateqarpoq.

## **Punkt 7: Suliat matoqqasut**

<p>Soqanngilaq</p>

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 14.45